



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՐԱՄԱՆ

№ 117/42-Ը « 20 » 06 2024թ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆՈՒՄ ՎՃԱՐՈՎԻ ՀԻՄՈՒՆՔՆԵՐՈՎ ԴԱՍԸՆԹԱՑԻ ՄԱՍՆԱԿՑՈՒԹՅԱՆ ԸՆԹԱՑԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի կանոնադրության 57-րդ կետի 10-րդ ենթակետի պահանջներով՝

հրամայում եմ՝

1. Հաստատել «Երևանի պետական համալսարանում վճարովի հիմունքներով դասընթացի մասնակցության ընթացակարգը» համաձայն հավելվածի:
2. Սույն հրամանով սահմանված ընթացակարգի դրույթները տարածվում են դասընթացի մասնակցության հայտ ներկայացրած ուսանողի կարգավիճակ կամ բարձրագույն կրթություն ունեցող բոլոր անձանց վրա:
3. Սույն հրամանով սահմանված ընթացակարգը հրապարակվում է ԵՊՀ պաշտոնական կայքէջում:
4. Սույն հրամանն ուժի մեջ է մտնում ստորագրման պահից:

ՌԵԿՏՈՐ՝

Հ. Վ. ՀՈՎՀԱՆՆԻՍՅԱՆ

Հավելված

Հաստատված է

ԵՊՀ ռեկտորի 20.06 2024թ. թիվ 114/ՊՀ-2 հրամանով

ԸՆԹԱՑԱԿԱՐԳ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆՈՒՄ ՎՃԱՐՈՎԻ ՀԻՄՈՒՆՔՆԵՐՈՎ ԴԱՍԸՆԹԱՑԻ ՄԱՍՆԱԿՑՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգը սահմանում է Երևանի պետական համալսարանում (այսուհետ՝ ԵՊՀ) առանձին դասընթացի մասնակցության և կրեդիտների ձեռքբերման գործընթացի կազմակերպման և անցկացման կարգը:

2. Դասընթացի մասնակցությունը կազմակերպվում է վճարովի հիմունքներով՝ հիմք ընդունելով տվյալ ուսումնական տարվա բակալավրի և մագիստրոսի կրթական ծրագրերի մեկ կրեդիտի համար սահմանված արժեքը:

2. ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

3. Դասընթացին մասնակցությունն իրականացվում է դասընթացի մասնակցության համար սահմանված դիմումը ներկայացնելուց և վճարումը կատարելուց հետո: Դիմումը լրացվում է e-request հարթակում կամ ներկայացվում է ԵՊՀ ընդհանուր բաժին՝ սույն ընթացակարգի 4-րդ կետում ներկայացված ժամանակացույցի համաձայն:

4. Դասընթացի մասնակցության դիմումները ներկայացվում են կիսամյակի դասերի մեկնարկին նախորդող երկու և հաջորդող մեկ շաբաթների ընթացքում:

5. Սահմանված ժամանակահատվածի ավարտից հետո ներկայացված դիմումը չի քննարկվում:

6. Դիմումատուն կարող է միաժամանակ մասնակցել մի քանի դասընթացների:

7. Դասընթացի ընտրությունն իրականացվում է տվյալ ուսումնական տարվա ընթացքում գործող մասնագիտական կրթական ծրագրերից, որոնք հասանելի են ԵՊՀ կայքէջում:

8. Դասընթացին մասնակցելու թույլտվություն ստացած անձը դասընթացին մասնակցում է մասնագիտական կրթական ծրագրի ուսումնական պլանով նախատեսված կիսամյակում և ձևավորված դասացուցակով:

9. Դասընթացի մասնակցին e-learning.yysu.am ուսուցման կառավարման համակարգում հասանելի է դառնում դասընթացի նկարագրիչը, դասընթացին վերաբերող ուսումնամեթոդական նյութերը և անհրաժեշտ տեղեկատվությունը:

10. Դասընթացի համար հատկացված ժամաքանակի առնվազն 80 տոկոսի մասնակցության դեպքում մասնակցին կարող է տրվել երկլեզու հավաստագիր՝

- դասընթացին մասնակցության և կրեդիտի շնորհման վերաբերյալ (դասընթացի ուսումնական արդյունքների գնահատման նվազագույն դրական շեմը հաղթահարելու դեպքում),
- միայն մասնակցության վերաբերյալ (մասնակցության ժամաքանակի նշումով):